

առաջ ըննուին: Յետագային նրանք աւելի եւս մեծ մշտականութիւն ցոյց տուին այս ասպարէզում՝ հրատարակութեան տալով ցարական կառավարութեան դադարնի դաշնագրերն ու դիւանագիտական վաւերագրերը:

Բոլշեւիկները այս աննախընթաց ժեստերը չիտթութեան մատնեցին միայն տնտեսաւոր դիւանագէտներին: Առաջաւոր հասարակութիւնը թէ՛ Ռուսաստանում եւ թէ՛ արտատահմանում ընտելացած էր գաղտնի դիւանագիտութիւնը վերացնելու պահանջին դեռ փետրուարեան Յեղափոխութեան առաջին օրերից: Անգամ Վիլսոնի պէս պատասխանատու մի պետական մարդ ազդուած էր նրանից այն աստիճան, որ իր յայտնի «14 կէտերի» պատճառաբանութեան մէջ արտայայտուեց գաղտնի դիւանագիտութեան դէմ: Ազգերի Դաշնակցութիւնը եւս, որ վիլսոնեան յղացումով կեանք ստացաւ, գաղտնի դիւանագիտութեանը տեղ չտուեց իր գործառնութիւնների մէջ, թէեւ նրա անդամները դեռ չեն հրաժարուել այս ազդեաւոր սովորութիւնից:

Սակայն, այժմ երկրագնդի վրայ չկայ մի իշխանութիւն, որը նուիրուած լինի գաղտնի դիւանագիտութեանն այնպէս, ինչպէս խորհրդային իշխանութիւնը: Բոլոր միջոցները հակառակորդներին վնասելու համար սուրբ նկատելով՝ այս իշխանութիւնը երէկուան թրքած-մրած գաղտնի դիւանագիտութիւնն այսօր փայփայում է իրբեւ քաղաքական առաքինութիւն: Նրա արտաքին յարաբերութիւնների մէջ կարելի է ասել չկայ որեւէ լուրջ գործ, որ գերծ լինի գաղտնի դիւանագիտութիւնից կամ դաւադրութիւնից: Ուր նա անյարմար է նկատում գաղտնի դիւանագիտութիւն վարել արտաքին գործերի պաշտօնատան միջոցով, «առեւտրական ներկայացուցիչներին» է առաջ քաշում: Եթէ այս էլ ինչ-ինչ անյարմարութիւններ է ներկայացնում՝ դիմում է Կոմինտերնի օգնութեանը: Խաբեբայութիւնը, կաշառքը, սպառնալիքը, լրտեսութիւնը, կեղծ վաւերագրերի արդիւնագործութիւնը, Գէ Պէ Ու-ի պրոփոկասիոնը, մահացութիւնը — բոլորը, բոլորը տրամադրելի են բոլշեւիկեան գաղտնի դիւանագիտութեան համար:

Թէ այս դիւանագիտութիւնը միջ-պետա-

կան յարաբերութիւնների մէջ ի՞նչ դատապարտելի դաշնագրերի կամ համաձայնութիւնների է յանգել՝ մենք այսօր որոշապէս ասել չենք կարող: Այդ յայտնի վր դառնայ հակախորհրդային յաղթական յեղափոխութիւնից յետոյ, երբ հրապարակ կը հանուին արտաքին «ժողկոմատի»*) եւ Գէ Պէ Ու-ի**) արշիւնները, ինչպէս որ բոլշեւիկները հրապարակ հանեցին ցարական կառավարութեան արշիւնները: Այդ ժամանակ է, որ հաստատապէս կարող ենք ասել, թէ ի՞նչ են ներկայացնում ռուս-թուրքական, ռուս-իտալական, ռուս - աֆղանական գաղտնի դաշնագրերի մասին տարածուած յամառ լուրերը: Առայժմ մենք միայն դիտենք, որ արտաքին «ժողկոմատը» եօթը կողպէքի տակ է պահում այս եւ նման մի քանի պետութիւնների վերաբերեալ վաւերագրերը — մի բան, որ նա անշուշտ չէր անի, եթէ նրա դիւանագիտութիւնը գերծ լինէր մութ գործերից:

Բայց որ Խորհրդային դիւանագիտութիւնը բոլոր երկիրներում մութ գործերի վրայ է, այդ արդէն գաղտնիք չէ ոչ ոքի համար: Գաղտնիք չէ, որ այդ դիւանագիտութեան ներկայացուցիչները Միլի կուսակցութեան հետ համաձայնութիւն էին կայացրել, որի գործութեամբ թուրքերը իրաւունք էին ստանում եւ մինչեւ իսկ պարտաւորուած՝ Հայաստանի Հանրապետութեան դէմ յարձակուելու: Գաղտնիք չէ, որ նրա գործակալները Միւրիայում, Մարոկկոյում, Հնդկաստանում եւ առհասարակ բոլոր գաղութներում տիրող իշխանութիւնների դէմ ապստամբութիւններ են հրահրում եւ տեղական ժողովուրդներին կատարել տալիս:

Գաղտնիք չէ, որ Չինաստանը քաղաքացիական կռիւների, աւերի, աւարի, արիւնհեղութիւնների թատերաբեմ դարձնելու մէջ հսկայական պատասխանատուութիւն ունին Խորհրդային իշխանութեան գործակալները՝

*) Արտաքին գործերի Ժողովրդական Կոմիտարիատ կամ սովորական խօսքով՝ Արտաքին Նախարարութիւն:

**) Պետական Քաղաքական Վարչութիւն կամ Քաղաքական Ոստիկանութիւն: